



Broj: 02-16.5-8-1447-20/20  
Istočno Sarajevo, 29.12.2020. godine

**Institut za standardizaciju  
Bosne i Hercegovine  
Trg Ilidžanske brigade 2b  
Istočno Sarajevo**  
(u daljem tekstu: Naručilac)  
Koga zastupa direktor Aleksandar Cincar

i

**“iBusiness”  
Trg Ilidžanske brigade bb  
Istočno Sarajevo**  
(u daljem tekstu: Prodavac)  
Koga zastupa direktor Dimitrije Dragović

Nakon provedenog postupka javne nabavke putem konkurencijskog zahtjeva u skladu sa članom 89. Zakona o javnim nabavkama (“Službeni glasnik BiH”, broj 39/14), a na osnovu člana 72. istog Zakona, Odluke direktora Instituta o izboru najpovoljnijeg ponuđača, broj: 02-16.5-8-1447-14/20 od 22.12.2020. godine, te Mišljenja Pravobranilaštva Bosne i Hercegovine broj: 01-10-1-M-1559/20 od 24.12.2020.godine, gore navedena pravna lica zaključuju dana 29.12.2020. godine sljedeći

## U G O V O R O NABAVCI ROBA

### Član 1.

Ovim Ugovorom o prodaji robe ugovorne strane utvrđuju međusobna prava i obaveze vezane za nabavku robe po osnovu provedenog postupka javne nabavke putem konkurentskog zahtjeva za ponude.

### Član 2.

Predmet ovog Ugovora je kupoprodaja jednog komada storage uređaja sa instalacijom i konfiguracijom istog, tip Fujitsu Storage Externus DX60 S5 (ETADH8F) čije su tehničke karakteristike navedene u tenderskoj dokumentaciji i ponudi koju je Prodavac dostavio Kupcu u okviru postupka javne nabavke.

### Član 3.

Prodavac se obavezuje da će Kupcu izvršiti prodaju, instalaciju i konfiguraciju storage uređaja iz člana 2. ovog Ugovora, a Kupac se obavezuje da će Prodavcu isto platiti po cijeni i uslovima iz Ponude broj T02-12/20 od 18.12.2020. godine, koju mu je Prodavac dostavio, a koja je sastavni dio ovog Ugovora.

Ukupna vrijednost dodijeljenog ugovora iznosi 29.952,00 KM.

---

#### Član 4.

Prodavac se obavezuje da će robu iz člana 2. ovog Ugovora isporučiti Kupcu u roku od 45 dana od dana zaključenja ovog Ugovora.

Mjesto isporuke je sjedište Kupca.

#### Član 5.

Prodavac se obavezuje da će Kupcu priznati reklamaciju na kvalitet te eventualna fizička oštećenja isporučene robe u roku od 10 dana od dana isporuke, a na osnovu zapisnika kojeg sačinjava Kupac, uz obavezno navođenje broja i datuma otpremnice i računa Prodavca.

#### Član 6.

Prodavac se obavezuje da će u roku od 30 dana od momenta isporuke storage uređaja iz člana 2. ovog Ugovora izvršiti instalaciju i konfiguraciju kao i migraciju podataka sa postojećeg storage uređaja Kupca na storage uređaj iz člana 2. ovog Ugovora.

#### Član 7.

Garantni rok za isporučenu robu iz člana 2. ovog Ugovora iznosi 36 mjeseci, u kom je Prodavac dužan da sve eventualne kvarove, nedostatke i greške na isporučenoj robi, nastale upotrebom iste u skladu sa uputstvima proizvođača, otkloni o svom trošku.

#### Član 8.

Prodavac se obavezuje da će obezbijediti dostupnost svoje servisne službe svaki radni dan u trajanju od najmanje 9 sati za kvarove nastale na isporučenoj opremi u garantnom roku iz prethodnog člana.

Rok odziva servisne službe Prodavca iznosi maksimalno 24 sata od momenta prijema reklamacije Kupca.

#### Član 9.

Ovaj Ugovor o kupoprodaji storage uređaja zaključuje se za jednu nabavku, opisanu u članu 2. ovog Ugovora.

#### Član 10.

Prodavac nema pravo da, u svrhu izvršenja ovog Ugovora, zapošljava fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za javne nabavke Naručioća za provođenje postupka javne nabavke, najmanje šest (6) mjeseci od dana zaključenja ovog Ugovora, kao ni pravo da sklapa podugovor ni o jednom bitnom dijelu ovog Ugovora bez saglasnosti Naručioća.

Prodavac snosi punu odgovornost za izvršenje ovog Ugovora.


#### Član 11.

Ugovorne strane su saglasne da će sve eventualne sporove, proizašle iz odredbi ovog Ugovora, nastojati riješiti sporazumno, u duhu dobrih poslovnih odnosa i uzajamnog povjerenja.

U slučaju nemogućnosti sporazumnog rješenja spora, za rješenje spora nadležan je Sud Bosne i Hercegovine.

**Član 12.**

Ovaj Ugovor je sačinjen u 4 (četiri) istovjetna primjerka, od kojih svaki ugovarač zadržava po 2 (dva) za svoje potrebe.

PRUŽAOC USLUGA  
  
za "iBusiness"  
direktor Dimitrije Dragović



NARUČILAC  
  
za Institut  
direktor Aleksandar Cincar